

ВЕНГР ЁДЫР ДЕНЕ ВАШЛИЙМАШ



17 июньшто Унчо книгагудышто мўндыр Венгрий гыч толшо Богата Тимар лўман ўдыр дене вашлиймашым эрта-рышна. Тудо Будапештысе ЭЛ-ТЭ университетыште аспирантурышто тунемеш, марий йылме нерген диссертацийым воза. Унчо кундемшыке кумшо гана толын.

Тиде вашлиймашыште Богата венгр калыкын илыш йўлаже нерген каласкалыш. Презентацийыштыже Венгрий мландын картше дене палымым ыштыш, ялысе пўрт-влакым ончыктыш, тушто илыше калык могай пашам ышта, могай шурным ончен кушта, чодыраште могай янлык-влак илат, могай пушенге кушкеш-икманаш, чыла радамлен каласкалыш. Тыгак тушто, калык пале, писын лудыш нерген палдарыш.

Унчо кундемыш мўндыр велгыч йокмам конден. Вашлиймашышке толшо-влак соктам тамленыт, Венгрий чодыраште кушшо емыж дене ямдылыме йўышынат подыл ончышна.

Богата индеш йылмым пала. Руш йылме дене огеш кутыро манаш лиеш, а марий йылме дене тыге яндарын, раш лодыманда. Тыгак марий муро-влакым скрипка дене шоктен ончыктыш, мурашат тале.

Толшо уна венгр калыкын чиёмже денат палдарыш: кунам, могай тувырым, вургемым чиеныт. А мемнан деке кондымо вургемжылан 80 ий манын каласыш. Мотор тувырым чиен шогалмеке, кушталтенат ончыктыш да венгр калык куштымашлан ўдыр-влакымат кумыландыш.

Лидия ЯМНЕЕВА,
Унчо книгагудо вуйлатыше.